



Handwritten signature

Broj: 01,02,03,03/11-05-1-173/18
Sarajevo, 17. 7. 2018.

SARAJEVO

PRIMLJENO.		26-07-2018	
Organizaciona jedinica	Klasifikaciona oznaka	Redni broj	Broj priloga

Handwritten mark

3. sastanak predsjednika parlamenata zemalja centralne i istočne Evrope, Varšava, 12. i 13. juli 2018. godine

Delegat u Domu naroda Parlamentarne skupštine BiH Sead Kadić i poslanik u Predstavničkom domu Parlamentarne skupštine BiH Predrag Kožul učestvovali su na 3. sastanku predsjednika parlamenata zemalja centralne i istočne Evrope, 12. i 13. jula 2018. godine, u Varšavi.

Na godišnjem susretu predsjednika i predstavnika parlamenata zemalja centralne i istočne Evrope, koji zajednički organiziraju Senat i Sejm Republike Poljske, razgovaralo se o jačanju međuparlamentarne saradnje i rastućoj ulozi parlamentarne demokratije u savremenim međunarodnim odnosima.

Pozdravljajući poslanike, predsjednik Senata Stanislaw Karczewski je naglasio da u ovoj godini Poljska slavi 550. godišnjicu Sejma, kao i 100 godina nezavisnosti. Maršal Sejma Marek Kuchciński napomenuo je na početku da Poljska Evropu vidi kao cjelinu, a to zavisi od jačanja saradnje svih zemalja, a ne samo zemalja EU. "Mi smo Evropa slobodnih naroda. Mi dijelimo vjerovanje u potrebu jačanja parlamentarnih odnosa" - rekao je on.

Stanislaw Karczewski je ukazao na još jedan zajednički interes, a to je razvoj saobraćajne infrastrukture (zemljišta, mora i zraka) u cijeloj regiji.

Učesnici sastanka u Varšavi razmatrali su i ulogu parlamenata u provođenju ciljeva održivog razvoja, kao i u oblikovanju migracione politike u Evropi.

Predstavnici parlamenata istakli su da trebamo težiti zajedničkoj demografskoj politici, sačuvati naše teritorije i suočiti se s problemima koje ima svaka zemlja.

Delegat u Domu naroda Parlamentarne skupštine BiH Sead Kadić i poslanik u Predstavničkom domu Parlamentarne skupštine BiH Predrag Kožul na marginama sastanka u Varšavi susreli su se s predsjednikom Grupe prijateljstva za BiH Sejma Republike Poljske Bogdanom Rzoncom.

Zahvaljujući se delegaciji Parlamentarne skupštine BiH za učešće na ovom sastanku i u svečanostima povodom 550. godišnjice poljskog parlamentarizma, gospodin Rzonca ocijenio je veoma dobrim bilateralne odnose između Poljske i Bosne i Hercegovine.

Prema riječima Rzonce, poljski sejm i njegova zemlja pružaju punu podršku nastojanjima Bosne i Hercegovine da postane članica Evropske unije i NATO-a.


Članovi naše delegacije izrazili su zahvalnost Poljskoj i drugim državama članicama Višegradske grupe na iskrenoj podršci našoj zemlji na putu ka Evropskoj uniji i NATO-u.

Zajednički je ocijenjeno da je naša zemlja u prethodnim godinama, uprkos političkim i ekonomskim problemima, uspjela napraviti niz značajnih koraka u procesu euroatlantskih integracija. U vezi s tim, razgovarano je i o mogućnostima da BiH iskoristi iskustva poljskih eksperata, posebno u pogledu korištenja sredstava iz evropskih fondova.


Tokom sastanka, kojem je prisustvovao i otpravnik poslova Ambasade BiH u Varšavi Ivica Pranjčić, bilo je riječi o imenovanju novog ambasadora naše zemlje u glavnom gradu Poljske, kao i o imenovanju počasnog konzula BiH u toj prijateljskoj zemlji.

Kadić i Kožul pozvali su članove Grupe prijateljstva za BiH Sejma Republike Poljske da, nakon općih izbora u BiH, posjete našu zemlju.

Izveštaj pripremila:

Najda Kruško


Izveštaj odobrio:

Predrag Kožul


Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- članovima Delegacije PSBiH u PDCEI-a
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću PSBiH
- Sektoru za međunarodne odnose i protokol PSBiH

Kopija: Ministarstvo vanjskih poslova BiH